



授菩薩戒儀則  
全

093.1  
2048  
佛教大学蔵書  
第2006699466号



於其中間不得能持不各日  
若日

*[Faint, illegible vertical text]*



弘長三年正月二日 本云

二尊院湛空上人傳 鎌倉極樂寺寫

元德二年夏午三月三日

以忍性律師御本謹寫

緣廣北溪模寫了

淳至軒

書目

卷其中心 不野 或謂其不 答且

二尊院湛空上人傳

圓頓戒儀

本云

新戒儀

二尊院湛空上人傳

圓頓菩薩戒布薩式

各々外題寫本如斯



授菩薩戒儀則

授菩薩戒行事儀式略有十二大門  
第一闈導者略述此戒大意梵網經云金剛寶戒是佛性  
種子諸佛本源大論云戒是佛法大地一切功德依之成  
就離戒定慧無存總是人中天上勝妙果報至法雲佛地  
內外莊嚴併以尸羅為根本以淨戒為初因然則菩提廣  
路戒為資糧生死大海戒為船筏無明長夜戒為燈炬惡  
業病戒為良藥報恩經云不持戒品者尚無受人身輩嚴  
經云戒是菩提之本持者成佛得道戒是耳露藥服者不  
老不死既知諸佛禁戒二世良因誰聞此勝利而不欣未

況又一生不幾萬事如夢若不受戒品虛至瞋目者望刀  
山火聚雖悔復有何益不如持不壞之妙戒保無窮之生  
死授戒素意其旨在此

第二三歸者入三寶境以信為先今歸三寶不信其餘非  
魔外道立此誓時現世三十二部鬼神護身當來二十五  
有生死永離是故當先授三歸戒

弟子某甲願從今身盡未來際歸依佛兩足尊歸依法離  
欲尊歸依僧眾中等三說

弟子某甲等從今身盡未來際歸依佛竟歸依法竟歸依  
僧竟三說

自今已後三寶為師更不歸非魔外道唯願三寶慈悲攝  
受慈愍故一禮

第三請師者

我某甲等今從大德求受菩薩戒大德於我不憚勞苦慈  
愍故一禮

然菩薩戒請不現前師為其授戒師眾雖不見而諸佛  
菩薩以道眼悉乘神通必來是故至心奉請

一心奉請靈山淨土釋迦牟尼如來應正等覺為我作和  
尚我依和尚故得受菩薩戒慈愍故一禮

一心奉請金色世尊文殊師利菩薩為我作羯磨阿闍梨

我依阿闍梨故得受菩薩戒慈愍故一禮

一心奉請都史多天彌勒菩薩為我作教授阿闍梨我依阿闍梨故得受菩薩戒慈愍故一禮

一心奉請十方諸佛為我作證明導師我依證明故得受菩薩戒慈愍故一禮

一心奉請一切諸大菩薩為我作同學等侶我依同學故得受菩薩戒慈愍故一禮

敬自十方一切諸佛諸大菩薩受者求我諸佛菩薩欲乞受菩薩戒唯願諸佛菩薩哀愍故施與某甲等菩薩淨戒戒師座起禪唱

第四懺悔者戒是白淨之法身器清淨方能堪受罪垢障

戒是為不淨故當懺悔無始以來罪障然就懺悔雖有多種皆以滅罪離障為先誠心懺悔罪障即滅是故應修懺悔

至心懺悔無始來 自他三業無量罪

今對佛前皆懺悔 懺悔已後更不作

我昔所造諸惡業 皆由無始貪瞋癡

從身語意之所生 一切我今皆懺悔

第五發心者菩薩戒法菩提心為本菩提心相之義雖廣今取其要有四弘心依之當發四弘誓願

衆生無邊誓願度 煩惱無邊誓願斷

法門無盡誓願知

無上菩提誓願證

第六問遮者若有七遮不應授戒若有言有無尋言無當如實答

出佛身血否答殺父否答殺母否答殺和尚否答殺阿闍  
梨否答破羯磨僧否答殺聖人否答既無七遮堪受戒器  
第七正授戒者前六段是授戒方便也今此段正是授戒  
時也更剩餘念一心聽之就此有相傳戒有發得戒相傳  
戒者傳三聚淨戒是也若蓮華臺上盧遮那佛為自眷屬  
誦此心地金剛寶戒即為我本師釋迦牟尼如來及妙海  
王并一千王子授之次阿逸多等二十餘菩薩次第傳持

乃至本朝將來又陳朝南嶽大師為靈山聽衆受持此圓  
戒授天台大師天台授章安大師章安授智威大師智威  
授慧威慧威授玄朗大師玄朗授奴樂大師奴樂授道邃  
和尚於是日本叡山閔相傳教大師奉勅入唐貞元二十  
一年春三月二日於台州臨海縣龍真寺極樂淨土院請  
天台第七代傳法道邃和尚大唐汝門二十七人俱受圓  
頓菩薩戒歸朝之後於叡山根本中堂授慈覺大師弘仁八  
年三月  
六慈覺授露地座主長意和尚長意授平等坊座主慈念  
僧正慈念授飯室座主慈忍僧正慈忍授西明坊座主源  
心僧都源心授東圓坊禪仁阿闍梨禪仁授大原寂光坊

良忍上人良忍授黑谷慈眼坊嚴空上人嚴空授法然坊  
源空上人源空授辨阿辨阿授良忠如此相傳乃至授汝  
等新受者佛子是名相傳戒釋迦入涅槃後雖達經二千  
餘歲而相傳相續于今不絕次發得戒者依此相傳所得  
戒法是名發得戒所謂三聚淨戒也一持律儀戒不作一  
罪二持善法戒作一切善三饒益有情戒利益一切衆生  
八萬法藏諸佛功德攝在此中物皆有名戒是名也有名  
必有體戒法亦如是此戒體者教名莊嚴猶如宝瓔珞珠  
亦如十五夜月圓滿十方世界唯佛菩薩證見之二乘德  
女不能見聞此戒法三羯磨後一刹那間乘入受者身心

另之戒體有信則來無信不來若色聞戒持則諸戒有身  
若一破重諸戒忽失此圓頓教戒一得以後雖犯重作惡  
永不失戒依之若一得永不失戒他戒離法性故不常住  
此戒即法性是故常住法性常住戒亦常住其體堅固故  
名金剛宝戒今日受此教戒生生不失必到佛果

受者諦聽汝等今於我所未受菩薩淨戒未受菩薩學處  
所謂持律儀戒持善法戒饒益有情戒此諸學處過去一  
切菩薩已受已學已成佛未來一切菩薩當受當學當成  
佛現在一切菩薩今受今學當成佛佛子從今身盡未來  
際於其中間不得犯能持否

受者答云能  
持三問三答



第一羯磨時十方世界一切境上戒法振動第二遍之時  
所振動戒十方雲集戒壇之上第三遍之時所集戒法從  
空而下從受者頂入滿身中正以此時名真佛子故梵網  
經云衆生受佛戒即入諸佛位位同大覺位真是諸佛子  
第八證明者仰啓十方一切諸佛於此一四天下南瞻部  
州人王地大日本國某州佛像前受者某甲等受菩薩戒  
已畢唯願諸佛為作證明

第九現相者十方法界一切佛土忽現瑞相所謂清涼風  
來微絛香熏光明雲臺樓閣等現種種異相爾時十方諸  
大菩薩驚此瑞相各問其教主某土佛各言今於娑婆世

東南瞻部州大日本國某州有新學菩薩初受持因頓佛

性戒竟故現瑞相也諸菩薩等皆隨喜言惡世衆生受此  
如戒甚以希有我等於受者身上作哀愍想又修餘善根  
十方淨土未現此瑞相只是受戒現此瑞相於一功德優  
之中受戒善勝以此為證

戒香定香解脫香

光明雲徧法界

供養十方三世佛

並及菩薩諸世天

第十說相者撰律儀中略有十重禁不三貝持不貝持悉  
名得戒擇其堪不隨意受持之

第一殺戒諸佛所護持曩祖所傳來我今授汝等汝等從

令身盡未來際於其中間不得犯能持否受者答云能持

第二不與取戒諸佛所護持等如上

第三淫戒諸佛等

第四不妄語戒諸佛等

第五酤酒戒諸佛等

第六說四衆過戒諸佛等

第七自讚毀他戒諸佛等

第八慳惜加毀戒諸佛等

第九瞋心不受悔戒諸佛等

第十謗三宝戒諸佛等

第十一廣願者夫修善根必應回向法界衆生受戒已是  
大善根須用回向

願以受戒諸功德

未離苦者早離苦

又願與衆生

同得生淨土

回向法界衆生界

未成佛者速成佛

悉發菩提心

共證大菩提

第十二勸持者須具足禁忌補羶二持所謂受戒之後不  
作罪名禁忌為修善名補羶依新舊修善戒體增長故也  
十二門行儀大旨略若斯夫遇如來醫王服寶相不死之  
良藥聞已心伏藏得金剛宝戒之明珠然則戒光顯身豈

迷生死之長夜，幸法藥貯心定，持金石之壽福，美  
衆生受佛戒， 再入諸佛位  
位同大覺位， 真是諸佛子

授菩薩戒儀

- 第一 闍尊
- 第二 三歸
- 第三 諸師
- 第四 懺悔
- 第五 發心
- 第六 問遮
- 第七 授戒
- 第八 證明
- 第九 現相
- 第十 說相
- 第十一 廣願
- 第十二 勸持

第一 闍尊

夫佛法大海深廣，無涯唯信能入，由有信故三字可成，菩  
提可至而三字中以戒為首，菩提廣略戒為資糧，生死大  
海戒為船筏，三違重病戒為良藥，然戒有各種五八十具  
菩薩律儀而五戒報入八十報天出家大戒感小解脫三

明六通無餘永寂，菩薩律儀八萬細行，報得佛果三身四  
德相好不共一切功德，汝等今既不求人天小果，唯欲專  
求無上菩提，正為堪受菩薩律儀，凡請師懺悔等一一如  
法虔誠求受。

第二三歸受者長

跪合掌

逐句我弟子等願從今身盡未來際，佛歸依兩足尊，佛歸依法離  
欲尊，佛歸依僧眾中尊。三我弟子等願從今身盡未來際，佛歸  
依佛竟，佛歸依法竟，佛歸依僧竟。三從今已往，稱佛為師，更不  
歸餘邪魔外道，唯願三宝慈悲攝受。

第三請師

初請傳教師燒香三拜

長跪合掌

告云：夫欲受菩薩戒，必先請師，若非人戒，無從發須，專秉  
一心恭敬，陳三請，然請師之法，理合自陳想，汝等未能我令  
教，汝等應須虔心切莫容易。

逐句我弟子等，今從大德，求受菩薩戒，大德於我，不憚勞苦，  
戒師答云：可授汝等戒，當攝心諦受，不得浮散。

二奉請聖師每位燒香三拜

長跪合掌

告云：汝等向請某為戒師，然某但為傳教之人，今當更為  
汝等奉請釋迦世尊等五座聖師降臨道場，向諸佛菩薩  
之前，求哀懺悔，回於遮難，方堪秉法，當須志誠運想，隨我

百請

我弟子等一心奉請釋迦牟尼如來應正等覺為得戒和

尚我依和尚故得受菩薩戒慈愍故三請或一請觀時  
延促下皆例同

我弟子等一心奉請久珠菩薩摩訶薩為羯磨阿闍梨我

依阿闍梨故得受菩薩戒慈愍故

我弟子等一心奉請彌勒菩薩摩訶薩為教授阿闍梨我

依阿闍梨故得受菩薩戒慈愍故

我弟子等一心奉請十方一切如來應正等覺為證戒師

我依證戒師故得受菩薩戒慈愍故

我弟子等一心奉請十方一切菩薩摩訶薩為同學侶我

依同學侶故得受菩薩戒慈愍故

三戒師作白

告云上來所請五座聖師具大慈悲他心道眼憐念衆生  
必降道場更為汝等白聖乞戒汝等各須志誠對佛合掌

請聽作白

敬白十方盡虛空界一切諸佛大菩薩此某甲等悉我白

諸佛菩薩欲從諸佛菩薩乞受菩薩戒此某甲等已發大

願已有深信能捨一切不惜身命唯願諸佛菩薩慈愍故

施與某甲等菩薩淨戒一說

第四懺悔

告云夫戒是白淨法法器清淨方堪進受故須求哀懺悔  
以洗身心

我弟子等仰啟十方盡虛空界一切三宝證明弟子披陳  
懺悔從無始已來至於今日於其中間妄計人我無量煩惱  
縱造三業具造十惡五逆四重作一團提撥無因果壞僧  
伽藍焚燒經藏行住座卧損佛舍識盜三宝物及餘惡財  
顛倒邪淫淫污梵行誹謗大乘障礙留難飲酒食肉或食  
五辛畫穢三宝打罵呵責出家在家持戒破戒自作放他  
見聞隨喜如是等罪無量無邊今對三宝披陳懺悔不敢  
覆藏一懺已後永斷相續更不敢作唯願三宝慈悲證明

### 第五發心

告云懺悔已竟次當發菩提心汝等今欲受圓頓妙戒直  
緣無作諦境發無作四誓我今教汝等當心念口言

眾生無邊誓願度

煩惱無邊誓願斷

法門無盡誓願學

無之善根誓願成

### 第六問遮

告云既能發心次當問遮難若有七遮戒品不發我今問  
汝當如實答

汝不吐佛身血不各無下同汝不殺父不汝不殺母不汝不殺  
和尚不汝不殺阿闍梨不汝不破羯磨僧不汝不殺聖人

不

第七投戒

告云既無遮難堪能受戒應起專注心發懇重心我今欲授汝等戒發戒品心若專志如仰完器則有所赴一念差違猶如覆器必無所成須繫念不得餘覺及餘思

汝等諦聽汝等今於我所未受一切菩薩淨戒未受一切菩薩學所謂堪律儀戒堪善法戒堪衆生戒此諸淨戒此諸學處過去一切諸菩薩已受已學已解已行已成未來一切諸菩薩當受當學當解當行當成現在一切諸菩薩今受今學今解今行當來作佛汝等從今身盡未來際

於其中間不得犯能持不能持

告云此是第一羯磨十方世界一切境上微妙戒法悉皆勤轉不久應當入汝等身中

汝等諦聽云

告云此是第二羯磨彼所勤轉戒法功德十方來集側塞空中如雲如蓋覆汝等頂上

又云今將秉茅三羯磨此法成就時所集戒法從空中下從汝等頂門流入身心充滿正報正在此時納受戒法不得餘覺餘思令戒不滿

汝等諦聽云

告云第三羯磨已竟汝等既具戒法真是佛子當知汝等身即是無邊功德善法之聚當須護持勿令毀犯

### 第八證明

受者互跪戒師起立手執香爐若在高座不須起立白云

我某甲仰啟十方盡虛空界一切諸佛於娑婆世界南瞻部州大日本國山城州某山某精舍有數多佛子來於我所未受菩薩戒畢我已為證明唯願諸佛亦為作證明說

### 第九現相

當斯之時十方淨土中不思議光明異香等種種相現爾時彼之菩薩問彼之佛何故此相現彼之佛告言某國某僧伽藍某受者發菩提心於某師所受菩薩戒請我等為

證明故如此未曾有相現彼之菩薩咸生歡喜各各皆言如是等極要之處煩惱具足惡業衆生能發如此極勝之心受菩薩戒甚為希有深生憐愍十方菩薩尚奈如是心汝等應當至心護持禁戒不惜身命勿令毀犯

### 第十說相

告云諸佛子已為汝等授戒竟次當說相須解了相貌勿毀犯做

第一若諸菩薩已於戒師所三說未受菩薩戒竟若自殺殺入殺非真菩薩假名菩薩無慚無愧犯波羅夷汝從今身盡未來際於其中間不得犯能持不答曰能持



第二若諸菩薩已於戒師所三說未受菩薩戒竟若自盜  
教入盜非真菩薩假名菩薩無慚無愧犯波羅夷汝從今  
身盡未來際於其中間不得犯能持不

第三若諸菩薩已於戒師所三說未受菩薩戒竟若嫁人  
天鬼畜男女非真菩薩假名菩薩無慚無愧犯波羅夷汝  
從今身盡未來際於其中間不得犯能持不

第四若諸菩薩已於戒師所三說未受菩薩戒竟若詐高  
得之人法及天龍鬼神來供我等非真菩薩假名菩薩無  
慚無愧犯波羅夷汝從今身盡未來際於其中間不得犯  
能持不

第五若諸菩薩已於戒師所三說未受菩薩戒竟若沽諸  
酒非真菩薩假名菩薩無慚無愧犯波羅夷汝從今身盡  
未來際於其中間不得犯能持不

第六若諸菩薩已於戒師所三說未受菩薩戒竟若親出  
家在家菩薩犯重罪非真菩薩假名菩薩無慚無愧犯波  
羅夷汝從今身盡未來際於其中間不得犯能持不

第七若諸菩薩已於戒師所三說未受菩薩戒竟若自讚  
毀他非真菩薩假名菩薩無慚無愧犯波羅夷汝從今身  
盡未來際於其中間不得犯能持不

第八若諸菩薩已於戒師所三說未受菩薩戒竟若慳憤

財法不說不施及加罵辱非真菩薩假名菩薩無慚無愧  
犯波羅夷汝從今身盡未來際於其間不得犯能持不  
第九若諸菩薩已於戒師所三說求受菩薩戒竟若願入  
天鬼畜懺謝不解非真菩薩假名菩薩無慚無愧犯波羅  
夷汝從今身盡未來際於其間不得犯能持不  
第十若諸菩薩已於戒師所三說求受菩薩戒竟若誹謗  
三宝非真菩薩假名菩薩無慚無愧犯波羅夷汝從今身  
盡未來際於其間不得犯能持不

### 第十一廣願

逐句我弟子等願以受戒所生功德回施法界未離苦者願令

離苦未得樂者願令得樂未發菩提心者願令發菩提心未  
斷惡修善者願令斷惡修善未成佛者願早成佛又以  
此功德願共一切衆生捨此身已生極樂世界阿鞞羅如  
來亦悟無生忍得大神通遊歷十方奉事諸佛恒聞無上  
大乘正法諸佛願行圓滿具足又以此功德從今已往永  
離三惡身永離下賤身永離女人身於佛法中清淨出家  
精修梵行為諸衆生作大善知識又願一切衆生聞我名  
者發菩提心見我形者斷惡修善聞我說法者得大智慧  
知我心者早得成佛

### 第十二勸持

既得戒已如服良藥當須知禁忌及補羸自行新惡為禁忌利他修善為補羸是故應須具足二持遍修諸善遍斷諸惡悉須以願而加持之常思滿足四弘之願

### 授菩薩戒儀

弘長三年正月二日以二尊院湛空上人本

寫錄倉極樂寺北室了

元德二年庚午三月三日以忍性律師御本謹寫

### ○圓頓菩薩戒布薩式

先小食時雜那打靜白告

諸佛子辨聽今黑月十四日或白月十五日布薩衆僧集某寺某

道場齋後說戒

次上座教勅

今日說戒十方賢聖所共同遵並願衆僧同時集會勿事他緣自生厭法

次時到三下念如時到

次正作相

次露地偈

堂外  
行之

降伏魔力悉同唱 除結盡無餘 露地擊健維推  
菩薩聞當集 諸欲聞法人 度派生死海

聞此妙響音 盡當雲集此

次入堂說偈 初句上座獨唱 第二句眾和

持戒清淨如滿月 身口皎潔無瑕穢

大眾和合無違淨 爾乃可得同布薩

次三禮着座

次維那用水湯說偈 維那兼小者起至殿與所 獨唱

香水偈 石香 左香

八功德水淨諸塵 盥掌去垢心無滌

有二人行僧香  
一持盥一人持  
頭有持中尾  
一人右持水并牛  
左手盥香湯亦  
一人一人香香水一  
半中一人香湯一  
半中

執持禁戒無缺犯 一切衆生亦如是

香湯偈 左

香湯重俗澡諸垢 法身具足五分光

般若日照解脫滿 群生同會法界融

次小者用水湯 香一香 各說偈 亦同

次維那浴等偈 住維那左右 大眾

菩薩聖僧集 大眾同念 五寶同入香 水盥中 小者 洒甘露 雜那洗之 次香湯以淨 中 次拭乾 洗已持等說偈大 衆同念已雜那持等至靜所

香湯浴淨等 布薩度衆生

次小者水湯行大眾 各說 偈用

次洗椎柄

次維那靜一下告白

打維那及白告靜衆 武洲豐鳴郡三祿山增上

○敬白諸佛子合掌志心聽各隨聲作念此南閻浮提某甲  
某甲僧藍所我本師叔迦牟尼佛遺法弟子出家在家菩薩  
等自惟生死長劫乃由不遇無上慈尊今生若不發出離  
心恐還流浪故於是日同崇三宝渴仰大來衆共宣傳菩  
薩戒藏以此功德資益龍天八部威光自在皇帝陛下聖  
化無窮太子諸王福延萬乘師僧父母常保安寧隨喜見  
聞宿障水泮三塗四趣罪業雪銷某甲誓出家安樂與法界  
有情同生安樂國

次審問監護

惟一下唱

諸佛子諦聽衆中誰小小者收護三說

次召集凡聖

同上

諸佛子諦聽外有清淨大菩薩入三說

次告衆受籌

同上

諸佛子諦聽此衆小者已守護外清淨大菩薩已入內外  
寂靜無諸難事堪可行籌廣任布薩我某甲為衆行等任  
布薩事衆當一心念作布薩領上中下座各次等如法受  
籌三說并受囉授人等一

次行等

未至上者前立跪說

上座說偈已受取兩手擎頂戴或頂戴說偈

受籌偈

說偈已受取或受取說偈

唱

次維那靜一下告

下座

○敬白諸佛子合掌志心聽各隨聲作念此南閻浮提某甲  
等果僧藍所我本師新迦牟尼佛遺法弟子出家在家菩薩  
等自惟生死長劫乃由不遇無上慈尊今生若不發心離  
心恐還流浪故於是日同崇三宝渴仰大來眾共宣傳菩  
薩戒藏以此功德資益龍天八部威光自在皇帝陛下垂  
化無窮太子諸王福延萬乘師僧父母常保安寧隨喜見  
聞宿障水泮三塗四趣罪業雲銷某甲等誓出婆娑照法界  
有情同生安樂國

次審問監護

惟一下唱

諸佛子諦聽眾中誰小小者收護三

次召集凡聖

同上

諸佛子諦聽外有清淨大菩薩入三

次告眾受籌

同上

諸佛子諦聽此眾小者已守護外清淨大菩薩已入內外  
寂靜無諸雜事堪可行籌廣任布薩我某甲為眾行等任  
布薩事眾當一心念作布薩領上中下座各次第如法受  
籌三并受囉授人等一

次行等

未至上前立跪

設已受取兩手擎頂戴或頂戴設倡

受等守倡

唱

設倡已受取或受取設倡

金剛無礙解脫等

難得難遇如今果

我今頂戴歡喜受

一切衆亦如是

次收等

還等偈

如上

具足清淨受此等

具足清淨還此等

堅固喜捨無缺杌

一切衆生亦如是

次結唱等散打靜云

何人

諸佛子諦聽此一住處一布薩出家菩薩若干人各於佛  
法清淨出家和合布薩上順佛教中報四恩下為含識各  
誦經中清淨如偈

清淨偈

同音

清淨如滿月

清淨得布薩

身口業清淨

爾乃應布薩

次請說戒師

大德慈悲為僧說戒○此說戒事正當我作

次乞說戒云

諸佛子諦聽衆差某甲為衆說戒梵音某甲戒師陞高座

一 說

次戒師敬白

去衆前具儀展坐  
具三禮跪白云

我某甲誓首和南敬白大衆差誦戒三業不勤恐有忘失

陞恐隆手

願同誦者指授白己升座

次維那靜一下○十者供養杖唄作之

先梵唄

云何於此經究竟到彼岸

願佛開微密廣為衆生說

次小者頌行洒水湯

次頌行散花說偈大衆同音

散花莊嚴淨光明莊嚴室花以為帳

散衆室花遍十方供養一切諸如來

次小者却行散花灑水

次維那靜一下告云行香說偈

次小者供養大衆同音

戒香定香解脫香

光明雲臺徧法界

供養十方無量佛

見聞善重證寂滅

次維那靜一下告云○供養者復座

次誦戒前序

諸佛子等合掌至心聽我今欲說諸佛大戒序衆集默然  
聽自知有罪當懺悔懺悔屏安樂不懺悔罪深無罪者默  
然默然故當知衆清淨諸大德優婆塞優婆塞等諦聽佛  
減度後於像法中應當逢敬波羅提木又波羅提木又者



尋是此戒持此戒時如闍遇明如貧人得寶如病者得差  
如囚繫去獄如遠行者得屏當知此則是衆等大師若佛  
住世無異此也怖心難生善心難發故經云勿輕小罪以  
為無殃水滴雖微漸盈大器利那造罪殃隨無間一失人  
身萬劫不復壯色不停極如奔馬人命無常趨於山水今  
日雖存明亦難保衆等各各一心勤修精進慎勿懈怠  
隨睡眠縱意夜所操心存念三宝莫以空過徒設疲勞後  
代深悔衆等各各一心謹依此戒如法修行應當學  
諸大德春分四月日為一時從臘月十一日至四月十九日  
十五日夏分八月十六日且春分四月十六日至八月  
至臘月十五日冬分半月日已過一月日已過一月  
半月日已過二月日已過

過二月半已過三月日已過少一夜餘有一夜三月半在  
三月半已過四月日已過  
三月日在二月半在二月日在  
一月半在一月日在半月日在  
老死至近佛法欲滅諸大  
德優婆塞優婆夷為得道故一心勤求精進所以者何諸  
佛一心勤求精進故得阿耨多羅三藐三菩提何況餘善  
道法各聞強健時努力勤修善如何不求道安可須待老  
欲何樂乎是日已過命亦隨滅如少水魚斯有何樂

次問答

衆集否 衆已集  
和合否 和合  
未受菩薩戒者出  
衆集否 衆已集  
和合否 和合  
未受菩薩戒者出  
衆集否 衆已集  
和合否 和合  
未受菩薩戒者出  
衆集否 衆已集  
和合否 和合  
未受菩薩戒者出

事上九葉  
德僧聽我比丘  
清淨  
德僧聽我比丘  
法僧事世欲清淨  
大德僧聽我比丘  
法僧事世欲清淨

若有人  
欲此  
乃此  
人答

戒師云 諸佛子諦聽今日說戒日欲誦戒本任白如是

衆當一心聽持戒淨身其心正憶念多聞生實智斯由戒為  
不戒為妙法藏亦為去世財戒為大舟船能度生死  
海戒為清涼池澤浴諸熱惱戒為無畏術消伏邪毒害戒  
為究竟伴能過險惡道戒為甘露以衆聖之所遊持戒不  
高專精不放逸不取正戒相亦無邪念心是名清淨戒諸  
佛所稱讚持戒心不悔所願亦成就戒為法城墮能遮煩  
惱賊戒為勇猛將摧伏魔軍衆戒為如意珠能與商人室  
戒為妙樓觀遊戲諸三時持戒為平地禪定為屋宅能生  
智慧光次第得明照定惠刀莊嚴萬行為具足乃至成佛

道悉由戒為不故有智人堅心守護戒寧喪失身命慎勿  
有所犯合十指爪掌供養教師子戒今欲說戒衆當一心  
聽乃至小罪中心應大怖畏有罪一心悔後更莫復犯心  
馬馳惡道放逸難禁制佛說切戒行亦如利轡勒佛口說  
教戒善者能信受是人馬調順能破煩惱軍若不受教勒  
亦不受樂戒是人馬不調沒在生死軍若人守護戒如擊  
牛愛尾繫心不放逸亦如猴着鐐日夜常精進求實智慧故  
是人佛法中能得清淨身

諸佛子今白月十五日作布薩說優婆塞優婆夷菩薩戒  
當一心善聽有罪者發露無罪默然默然故當知諸大德

清淨堪說優婆塞優婆夷菩薩戒已說菩薩戒序竟

今問諸佛子是中清淨否三諸佛子是中清淨然故是

事如是持一

我今盧舍那乃至當廣明

佛告諸菩薩言已說十波羅提木又竟

先略法

諸佛子是不敬師友戒等十輕垢法衆常聞

諸佛子是國使戒等十輕垢法衆常聞

諸佛子是瞋打報仇戒等十輕垢法衆常聞

諸佛子是行救贖戒等九輕垢法衆常聞

諸佛子是揀擇受戒戒等九輕垢法衆常聞

次廣法

佛告諸菩薩言已說十波羅提木又竟

今問諸佛子是中清淨否三

諸佛子是中清淨然故是事如是持一

諸佛子是不敬師友戒等十輕垢法半月半月說戒經

中來

佛言佛子乃至下六品中當廣明

今問諸佛子等下皆准之

諸佛子諦聽此十重四十八輕戒三世諸佛已誦當誦今

誦我今亦如是誦汝等一切大眾若國王王子百官比丘  
比丘尼信男信女受持菩薩戒者應受持讀誦解脫書寫  
佛性常住戒卷流通三世一切衆生化化不絕得見千佛  
佛佛授手世世不墮要道八難常生人道天中我今在此  
壽下略闕七佛法戒汝等大衆當一心學婆羅提木叉歡  
喜奉行如無相天王品勸學中一一廣明三千學士時座  
聽者聞佛自誦心心頂戴喜羅

爾時叙迦牟尼佛說上蓮花臺藏世界盧舍那所說心地  
法門品中十無盡戒法品竟十百億叙迦亦如是說徒摩  
醯首羅天王宮至此道樹下十住處說法品為一切菩薩

說

不可說大眾受持讀誦解脫其義亦如是十百億世界蓮  
花藏世界微塵世界一切佛心藏地藏戒藏無量行願藏  
因果佛性常住藏如是一切佛說無量一切法藏竟十百  
億世界中一切衆生受持歡喜奉行若廣開心地相相如  
佛在先王七行品中說已下未受戒者得聞明人忍慧強能持如是  
法未成佛道間安護五種利一者十方佛愍念常護二者  
命終時正見心歡喜三者生生處處為淨菩薩友四者功德  
聚戒度悉成就五者今後世性戒福慧滿此是佛行處智  
者善思量計我著相者不能信是法滅盡取證者亦非下  
種處欲長菩提苗光明照世間應當靜觀察諸法真處

相不生亦不滅，不常復不斷，不一不異，不來亦不去，如是一  
心中方便勤莊嚴菩薩，所應作應當。次第學於學於無學，  
勿生分別相。是名第一道，亦名摩訶衍。一切戲論處悉由  
是處滅。諸佛菩薩若悉由是處出，是故諸佛子宜發大勇  
猛於諸佛淨戒護持。如明珠過去，諸菩薩已於是中學未  
來者，當學現在者，今學此是佛行處。聖主所稱歎我已隨  
順說福德無量聚，回以施眾生，共向一切智願。聞是法者  
疾得成佛道。

菩薩戒本

次後頌

處世界如虛空

如蓮花不着水

心清淨超於彼

智首禮無上尊

次說戒師下座禮大眾已陳詞云

某甲敬謝大眾差說戒三業不勤，多有謬失，忪亂大眾，衆  
多不善，願僧慈悲，布施歡喜。復本  
在

自慶偈音

諸佛出世第一快

聞法奉行安穩快

大眾和合寂滅快

衆生離苦安樂快

次三歸三禮出堂

自歸依佛 當願衆生

體解大道

癸無上心一  
禮

自歸依法

當願衆生

深入經藏

智慧如海

一禮

自歸依僧

當願衆生

統理大衆

一切無礙

一禮

對首法

四人已上如上三二人後儀更互說云

二大德一心念令僧十五

四日說戒我某甲清淨

心念法

今僧十四日說戒我某甲清淨

三說

弘長三年正月二日以二尊院湛空上人本

寫錄倉極樂寺北室了

元德二年庚午三月三日以忍性律師御本謹寫

謂第一之者言本戒儀也四頓許可之中云里谷言本戒  
儀者則是也次一本者新戒儀也則二尊院湛空上人  
之所傳也後一本者布薩式也是亦湛空上人所傳也  
則此一本者台淨兩宗通用之式目也矣此三本共  
享保七其梁道玄達大圓三上人校合之者哉焉

維時享保第十七己丑次春二月佛般涅槃日

錄嶺北溪模寫了

淳至



